

## **O'zbek - Deliverance Scriptures**

**Sahroda 10:35 Sandiq yo'lga chiqqanda, Muso shunday derdi: “Qo'zg'al, ey Egam, Sening g'animlaring tumtaraqay bo'lsin. Seni ko'rolmaganlar oldingdan qochib ketsin.”**

**Deuteronomy - Qonunlar 23:5 Lekin Egangiz Xudo Balomga qulq solishni xohlamadi. Egangiz Xudo sizlarni sevgani uchun, Balomning la'natini barakaga aylantirdi. (Naximiyo 13:2)**

**Zabur 44:4(43:5) Sen Shohimsan, Xudoyimsan, Amr ber, Yoqub nasli g'olib bo'lsin.**

**Ishayo 61:1 Egamiz Rabbiyning Ruhi meni qamrab olgan, Chunki U meni tanlagan. “Yo'qsillarga xushxabar yetkazsin, Xasta qalblarga shifo bersin, Asirlarga ozodlik e'lon qilsin, Zindondagilarga erkinlik xabarini bersin” deb, Egam meni yubordi. (Luqo 4:18)**

**Matto 6:13 Bizni vasvasaga duchor qilmagin, Yovuz shaytondan xalos qilgin.» (Luqo 11:4)**

**Matto 8:16 Kech kirganda Isoning oldiga jin chalgan ko'plab odamlarni olib kelishdi. U so'z bilan jinlarni quvib chiqardi, xasta odamlarning hammasiga shifo berdi.**

**Matto 10:1 Iso O'zining o'n ikki favoriysini yoniga chaqirib, ularga yovuz ruhlarni quvib chiqarish va har qanday dardu xastaliklarni sog'aytirish qudratini berdi. (Mark 3:14,15)**

**Matto 10:8 Xastalarni sog'aytiringlar, o'liklarni tiriltiringlar, teri kasalligiga chalinganlarni poklanglar, jinlarni quvib chiqaringlar. Tekin oldingizlar, tekin beringlar.**

**Matto 12:26-29 Agar shayton shaytonni quvib chiqarsa, uning shohligi o'zaro bo'lingan bo'ladi. Bunday shohlik qanday tura oladi?! 27 Agar Men jinlarni Baalzabulning kuchi bilan quvib chiqarayotgan bo'lsam, u holda o'z sheriklaringiz kimning kuchi bilan jinlarni quvib chiqarishyapti? Shu sababdan ham ular sizlarni hukm qiladi. 28 Agar Men jinlarni Xudoning Ruhi bilan quvayotgan bo'lsam, demak, Uning Shohligi sizlarga ham kelgan. 29 Kim kuchli odamning uyiga bostirib kirib, uning mol-mulkini talon-taroj qila oladi? Avval u uyning egasini bog'lab qo'yishi kerak, keyingina uyini talon-taroj qila oladi. (Mark 3:23-27)**

**Matto 12:43-45 Yovuz ruh insondan chiqqandan keyin, huzur-halovat izlab, suvsiz yerlarni kezadi, lekin topmaydi. 44 So'ng: «Chiqqan uyimga qaytib boraman», deydi. Uyiga kelganda, uyni kimsasiz, supurilgan va**

**yig'ishtirilgan holda ko'radi. 45 Shunda borib, o'zidan ham yovuzroq boshqa yetti ruhni ergashtirib keladi va ular bilan uyga kirib, joylashib oladi. Oxir-oqibat o'sha odamning ahvoli oldingidan ham battar bo'ladi. Bu yovuz nasl ham xuddi o'sha ko'yga tushadi."**

**Matto 15:22,26,28** Shu yerda yashaydigan Kan'on xalqidan bo'lgan bir ayol Isoning oldiga kelib, faryod qildi: — **Ey Hazrat, Dovudning O'g'li, menga rahm qiling! Qizimni jin chalgan, ahvoli yomon!** 26 Iso esa: — **Bolalardan nonni olib kuchuklarga tashlash yaxshi emas,** — dedi. 28 Shunda Iso: — **Ey ayol, sening ishonching buyuk!** — dedi. — **Mayli, sen istaganingday bo'lsin.** Shu zahoti ayolning qizi sog'ayib qoldi.

**Matto 16:19** Osmon Shohligi kalitlarini Men senga beraman. Yer yuzida sen nimani taqiqlasang, samoda ham taqiqlanadi. Yer yuzida sen nimaga ijozat bersang, samoda ham ijozat beriladi. (Matto 18:18)

**Matto 17:19-21** Shogirdlar Iso bilan yolg'iz qolganlarida, Undan: — **Nega biz jinni quvib chiqara olmadik?** — deb so'radilar. 20/21 Iso javob berib dedi: — **Yetarli imoningiz yo'qligi uchun shunday bo'ldi. Sizlarga chinini aytayin: agar zig'irday imoningiz bo'lib, shu toqqa:** “**Bu yerdan u yerga ko'ch**”, — deb aytsangiz, tog' ko'chadi. **Sizlar uchun imkonsiz narsa bo'lmaydi.**

**Mark 1:23-26** O'sha sinagogada yovuz ruhga chalingan bir odam bor edi. U to'satdan qichqirib yubordi: 24 — **Ey Nosiralik Iso! Bizni tinch qo'y!** Sen bizni halok qilgani keldingmi? Sening kimligingni bilaman: **Sen Xudoning Azizisan!** 25 Biroq Iso jinga do'q urib: — **Jim bo'l!** Undan chiqib ket! — dedi. 26 Yovuz ruh u odamni qattiq siltadi, ovozi boricha baqirib, uning ichidan chiqib ketdi.

**Mark 1:32-34** Quyosh botib kech kirgan paytda, odamlar xastalarni va jinga chalinganlarni Isoning oldiga olib kelishdi. 33 Butun shahar aholisi eshik oldiga yig'ildi. 34 Iso turli dardu illatlardan qiyngagan ko'p odamlarni sog'aytirdi. Ko'plarning ichidan jinlarni quvib chiqardi. Jinlarning gapirishiga ijozat bermasdi, chunki jinlar Isoning kimligini bilishardi.

**Mark 1:39** Shunday qilib, Iso butun Jalila hududini kezib, u yerdagi sinagogalarda voizlik qilar va odamlarning ichidan jinlarni quvib chiqarar edi.

**Mark 5:8** Chunki Iso unga: “**Ey yovuz ruh, bu odamdan chiqib ket!**” — deb buyurgan edi.

**Mark 6:7,13** O'n ikki havoriyni yoniga chaqirib, ikkita-ikkitadan qilib jo'nata boshladи. Ularga yovuz ruhlar ustidan hokimiyat berdi. 13 Ular ko'p jinlarni quvib chiqarishdi va ko'p xastalarga zaytun moyi surtib ularni sog'aytirishdi.

- Mark 9:23-25 Iso unga shunday javob berdi: — “Qo‘lingizdan kelsa” deganing nimasi?! Agar odam ishonsa, hamma narsaning imkonи bor. 24 Shu on bolaning otasi hayqirib yubordi: — Ishonaman! Ishonchsizligimni yengishimga yordam bering! 25 Tomoshaga yig‘ilayotgan xalqni ko‘rgan Iso yovuz ruhga do‘q qilib: — Ey gung qiladigan ruh, Men senga buyuraman: boladan chiqib ket! Bundan keyin hech qachon uning ichiga qaytib kirma! — dedi.**
- Mark 9:29 Iso ularga dedi: — Bu toifa jinlarni ibodatdan boshqa yo‘l bilan haydab bo‘lmaydi.**
- Mark 9:38,39 Yuhanno Isoga dedi: — Ustoz! Biz bir odamni ko‘rdik. U Sizning nomingiz bilan jinlarni quvib chiqarayotgan ekan. U biz bilan yurmagani uchun unga bunday qilishni man etdik. 39 Iso shunday dedi: — Man etmang! Chunki Mening nomim bilan mo‘jiza yaratgan biror bir kimsa darrov Meni yomonlay olmaydi.**
- Mark 16:17 Quyidagi alomatlar imonlilarga hamroh bo‘ladi: Mening nomim bilan jinlarni quvib chiqaradilar. Yangi tillarda so‘zlaydilar.**
- Luqo 4:34-36 — Ey Nosiralik Iso! Bizni tinch qo‘y! Sen bizni halok qilgani keldingmi?! Sening kimligingni bilaman: Sen Xudoning Azizisan! 35 Biroq Iso jinga do‘q urib: — Jim bo‘l! Undan chiqib ket! — dedi. Shunda jin hammaning ko‘zi oldida haligi odamni yerga ag‘natib, uning ichidan chiqib ketdi. Odam hech qanday zarar ko‘rmadi. 36 Hamma hayratda qoldi. — Nima bo‘lyapti o‘zi?! U qudratu hokimiyat bilan buyruq berganda yovuz ruhlar chiqib ketyapti! — deb bir-birlariga gapirardilar.**
- Luqo 4:41 Jinlar esa: “Sen Xudoning O‘g‘lisan!” — deb baqirganlaricha, ko‘plab odamlarni tark etardilar. Iso jinlarga do‘q urib, ularning gapirishlariga ijozat bermasdi, chunki jinlar Isoning Masih ekanini bilishardi.**
- Luqo 7:21 Ayni shu paytda Iso ko‘p odamlarning xastaliklariyu dardlariga shifo berayotgan, yovuz ruhlarga chalinganlarni tuzatayotgan, ko‘plab ko‘rlarning ko‘zlarini ochayotgan edi.**
- Luqo 8:29 Chunki Iso yovuz ruhga bu odamdan chiqib ketishni buyurgan edi. Ko‘p marta yovuz ruh bu odamdan ustun kelib, uni boshqarardi. Garchi bu odamning qo‘l-oyoqlarini zanjir bilan bog‘lab qo‘riqlashgan bo‘lsa ham, u zanjirni uzib tashlardi, jin esa uni kimsasiz joylarga olib ketardi.**
- Luqo 9:40 Men shogirdlaringizga, jinni quvib chiqaringlar, deb yolvordim, ammo ular eplay olmadilar.**
- Luqo 10:17-20 Yetmish ikki shogird xursand bo‘lib safardan qaytib keldilar. Ular Isoga shunday dedilar: — Hazrat, biz Sizning nomingizdan buyruq berganimizda, hatto jinlar ham itoat etyaptilar. 18 Iso ularga dedi: — Men**

**shaytonning osmondan yashinday tushganini ko'rdim. 19 Men sizlarga ilonu chayonlarni bosib ezish hokimiyatini va iblisning butun kuch-qudratini oyoq osti qilish hokimiyatini bergenman. Hech narsa sizlarga zarar yetkazmaydi. 20 Biroq jinlar sizga bo'ysunayotganidan xursand bo'lmanglar, balki nomlaringiz osmonda yozilganidan xursand bo'linglar!**

**Luqo 11:14 Bir kuni Iso soqov odamdan yovuz ruhni quvib chiqardi. Jin chiqqandan so'ng, soqov tilga kirdi, xalq esa hayratda qoldi.**

**Luqo 11:20-22 Agar Men jinlarni Xudoning qudrati bilan quvayotgan bo'lsam, demak, Uning Shohligi sizlarga ham kelgan. 21 Boshdan-oyoq qurollangan kuchli odam uyini qo'riqlaganda, uning mol-mulki bexatar bo'ladi. 22 Ammo undan kuchlirog'i hujum qilib uni yengsa, uning tayangan barcha qurollarini tortib oladi va o'ljasini istaganiga taqsimlab beradi.**

**Luqo 13:32 Iso ularga shunday dedi: — Borib u tulkiga aytinglar: "Eshitib ol, Men bugun ham, ertaga ham jinlarni quvib, xastalarga shifo beraman. Uchinchi kuni esa ishimni tugataman."**

**Yohanno 14:12 Sizlarga chinini aytayin: Menga ishongan odam Men qilgan ishlarni qiladi. Bulardan ham buyukroq ishlarni qiladi, chunki Men Otaning oldiga ketyapman.**

**Yohanno 17:15 Endi ularni dunyodan olishingni emas, balki yovuz shaytondan saqlashingni so'rayapman.**

**Faoliyati - Havoriyalar 10:38 Xudo Nosiralik Isoni Muqaddas Ruh va kuch-qudrat bilan qanday to'ldirganini bilasizlar. Iso hamma yoqqa borib, yaxshi ishlar qildi, iblisning hukmronligidan azob chekkanlarni shifoladi, chunki Xudo U bilan edi.**

**Faoliyati - Havoriyalar 16:17,18 U Pavlus bilan bizga ergashib, shunday deb baqirardi: "Manavi odamlar Xudoyi Taoloning qullari! Ular sizlarga najot topish yo'llini e'lon qiladilar." 18 O'sha cho'ri bir necha kun davomida shunday qilib yurdi. Oxiri, Pavlus bezor bo'lib, orqasiga o'girildi-da, yovuz ruhga dedi: "Senga Iso Masih nomidan buyuraman: bu qizning ichidan chiqib ket!" O'sha zahoti yovuz ruh qizning ichidan chiqib ketdi.**

**Faoliyati - Havoriyalar 19:11,12 Xudo Pavlus orqali g'aroyib mo'jizalar ko'rsatar edi. 12 Pavlusning tanasiga tekkan ro'molcha yoki kiyimlar xastalarga tekkizilganda, ular xastaliklaridan shifo topar, ular dan yovuz ruhlar chiqib ketardi.**

**Faoliyati - Havoriyalar 26:15-18 — Hazratim! Siz kimsiz? — deb so'radim men. — Sen quvg'in qilayotgan Isoman, — deb javob berdi Rabbiy. 16 — Endi o'rningdan tur, Shoul. Seni O'z xizmatkorim qilib tayinlash maqsadida senga zohir bo'ldim. Sen Meni ko'rganiningi boshqalarga aytasan, senga**

**ko'rsatadiganlarim to'g'risida guvohlik berasan. 17 Men seni o'z xalqing qo'lidan qutqaraman. Seni g'ayriyahudiyalar orasiga yuborib, ularning qo'lidan ham xalos etaman. 18 Sen g'ayriyahudiylarning ko'zlarini ochasan, ularni zulmatdan yorug'likka, shaytonning hukmronligidan Xudoning hukmronligiga qaytarasan. Menga imon keltirish orqali ularning gunohlari kechirilib, ular Xudoning tanlangan xalqi orasidan joy oladilar.**

**Rimliklarga 16:20 Tinchlik manbayi bo'lgan Xudoning O'zi tez orada shaytonni oyoqlaringiz ostida ezib tashlaydi. Rabbimiz Isoning inoyati sizlarga yor bo'lsin.**

**2 Korinfliklar 2:11 Shaytonga aldanib qolmaylik, axir, uning fitnalaridan bexabar emasmiz-ku!**

**Galatiyaliklar 1:4 Iso Masih bizni hozirgi yovuz zamondan qutqaray deb, bizning gunohlarimiz uchun O'zini fido qildi. U shu yo'sin Otamiz Xudoning irodasini ado etdi.**

**Efesliklar 4:27 Iblisga fursat bermanglar.**

**Efesliklar 6:11 Iblisning hiylalariga qarshi tura olishingiz uchun Xudo bergen barcha qurol-aslahalar bilan qurollaning.**

**2 Salonikiliklar 3:2,3 Xudo bizni yomon va yovuz odamlardan qutqarishi uchun ham ibodat qilinglar, chunki hamma ham imonli emas. 3 Ammo Rabbimiz Iso sadoqatlidir. U sizlarni kuchga to'ldirib, yovuz shaytondan himoya qiladi.**

**2 Timo'tiy 2:26 o'zlariga kelalar, iblisning tuzog'idan qutulib qolarlar. Axir, iblis ularni asir qilib, o'ziga tobe qilib olgan.**

**2 Timo'tiy 4:18 Rabbim meni bundan keyin ham har qanday yomonlikdan xalos qiladi va O'zining samoviy Shohligiga sog'-salomat yetkazadi. Unga abadulabad shon-sharaflar bo'lsin! Omin.**

**1 Butrus 5:8 Hushyor va bedor bo'linglar! Dushmaningiz bo'lgan iblis sherday bo'kirib, birovni yutib yuborish uchun izg'ib yuribdi.**

**1 Yohanno 4:4 Sizlar esa, aziz bolalarim, Xudodansizlar va soxta payg'ambarlarni yengdingizlar. Axir, ichingizdagi Ruh dunyodagi shaytondan ustundir.**